



Broj: 06-1-07-1-95/19
Sarajevo, 05.03.2019. godine

Na osnovu člana 2.9 stav (1) tačka 17. Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 37. stav (3) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) i člana 2, 3. i 4. Kriterija i postupka popune nedostajućih mandata u Domu naroda Parlamenta Federacije Bosne i Hercegovine-Opći izbori 2018. godine („Službeni glasnik BiH“, broj 16/19), Centralna izborna komisija Bosne i Hercegovine je na 26. sjednici, održanoj 05.03.2019. godine, d o n i j e l a

ODLUKU

o dodjeli mandata delegatu u Domu naroda Parlamenta Federacije Bosne i Hercegovine

Član 1.

Bosnić Nikici, kandidatu sa liste političkog subjekta SRPSKA LISTA za Skupštinu Kantona 10 za Opće izbore 2018. godine, dodjeljuje se mandat delegata u Domu naroda Parlamenta Federacije Bosne i Hercegovine iz reda srpskog naroda.

O b r a z l o ž e n j e

Centralna izborna komisija Bosne i Hercegovine je Odlukom o potvrđivanju rezultata posrednih izbora i dodjeli mandata za Dom naroda Parlamenta Federacije Bosne i Hercegovine dodijelila mandate za 14 delegata iz reda srpskog naroda u Dom naroda Parlamenta Federacije Bosne i Hercegovine i utvrdila da nedostaju tri delegata iz reda srpskog naroda.

Članom 37. stav (3) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine propisano je da ukoliko nakon procedure utvrđene u stavu (1) i (2) ovog člana, nedostaje određeni broj delegata iz reda jednog od konstitutivnog naroda ili iz reda Ostalih (član 10.10 Zakona), Centralna izborna komisija Bosne i Hercegovine će primjenom ustavnog načela pariteta u predstavljanju konstitutivnih naroda i odgovarajućeg predstavljanja Ostalih (Amandman XXXIII, stav 1. tačka 1. na Ustav Federacije BiH), posebnim aktom propisati način popune i izvršiti popunu nedostajućeg broja delegata iz reda konstitutivnog naroda ili iz reda Ostalih, primjenom člana 10.16 Izbornog zakona BiH.

Za popunu nedostajuća tri mandata delegata iz reda srpskog naroda u Domu naroda Parlamenta Federacije Bosne i Hercegovine, Centralna izborna komisija Bosne i Hercegovine je na 25. sjednici, održanoj 27.02.2019. godine, utvrdila Kriterije i postupak popune nedostajućih mandata u Domu naroda Parlamenta Federacije Bosne i Hercegovine-Opći izbori 2018. godine (u daljnjem tekstu: Kriteriji).

Članom 2. Kriterija propisano je da za popunu nedostajuća tri delegata iz reda srpskog naroda u Domu naroda Parlamenta Federacije Bosne i Hercegovine, Centralna izborna komisija Bosne i Hercegovine utvrđuje i primjenjuje sljedeće kriterije:

- a) broj stanovnika iz reda srpskog naroda po kantonima uzimajući u obzir apsolutni i procentualni broj stanovnika u odnosu na ukupan broj stanovnika,
- b) kvalifikovanost političkih subjekata (prijeden cenzus i osvojen najmanje jedan mandat u skupštini kantona), a koji ima kandidata na kandidatskim listama iz reda srpskog naroda i
- c) broj osvojenih ličnih glasova kandidata sa liste političkog subjekta iz tačke b) ovog člana.

Članom 3. Kriterija određeno je da nepopunjena delegatska mjesta pripadaju kantonima koji imaju najviše stanovnika iz reda srpskog naroda u apsolutnom broju stanovnika kantona i procentualnom broju stanovnika u odnosu na ukupan broj stanovnika u kantonu, a koja nisu popunjena ni nakon provedenog postupka iz člana 10.16 Izbornog zakona Bosne i Hercegovine, a to su Kanton Sarajevo (13.300 ili 3,2%), Kanton 10 (10.905 ili 13,00%) i Unsko- sanski kanton (8.452 ili 3,1%), te da se popuna delegata u Domu naroda Parlamenta Federacije Bosne i Hercegovine vrši kandidatima sa kandidatskih listi političkih subjekata koji su osvojili mandat u skupštini kantona iz stava (1) ovog člana, koji ima kandidata na kandidatskim listama iz reda srpskog naroda, kao i da se delegatsko mjesto dodjeljuje kandidatu iz reda srpskog naroda koji je osvojio najveći broj ličnih glasova u tom kantonu iz političkog subjekta koji je osvojio najmanje jedan mandat u skupštini kantona.

Uvidom u potvrđene rezultate Općih izbora 2018. godine, utvrđeno je da četiri politička subjekta, a koji su osvojili mandat u Skupštini Kantona 10, na kandidatskim listama za Skupštinu Kantona 10 za Opće izbore 2018. godine imaju ovjerene kandidate iz reda srpskog naroda, kako slijedi:

1. SRPSKA LISTA,
2. SRPSKA NAPREDNA STRANKA,
3. NARODNA STRANKA "RADOM ZA BOLJITAK" i
4. SOCIJALDEMOKRATSKA PARTIJA BOSNE I HERCEGOVINE.

Imajući u vidu naprijed navedeno i nakon uvida u potvrđene rezultate Općih izbora 2018. godine, Centralna izborna komisija Bosne i Hercegovine je utvrdila da je Bosnić Nikica, kandidat iz reda srpskog naroda sa liste političkog subjekta SRPSKA LISTA u Kantonu 10, osvojio najveći broj ličnih glasova, 780 glasova.

Shodno izloženom i na osnovu člana 2.9 stav (1) tačka 17. Izbornog zakona Bosne i Hercegovine, člana 37. stav (3) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, te primjenom člana 2, 3. i 4. Kriterija i postupka popune nedostajućih mandata u Domu naroda Parlamenta Federacije Bosne i Hercegovine-Opći izbori 2018. godine, Centralna izborna komisija Bosne i Hercegovine je odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana objavljivanja ove odluke na internet-stranici Centralne izborne komisije Bosne i Hercegovine www.izbori.ba.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

